



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno 561 Usque Ad Annum 633

**Fleury, Claude**

**August. Vind. [u.a.], 1759**

**VD18 90117832**

§.29. S. Gregorius ægrotat.

---

[urn:nbn:de:hbz:466:1-66072](https://nbn-resolving.org/urn:nbn:de:hbz:466:1-66072)

tate versiones ipsorum intelligere valemus. Sæculum VII  
A. C. 600.  
Hæc epistola Mense Febr. Indictione ter-  
tia id est anno 600. data est.

## §. XXIX.

## S. Gregorius ægrotat.

In alia epistola eodem anno mense Julio  
ad S. Eulogium data dicit: *Anni pro-* VIII. ep. 35.  
*pe duo effluxerunt, ex quo lecto affixus* Sup. n. 27.  
*bæreo, podagra laborans, & tam vebe-*  
*mentes pedum dolores patiens, ut in Fe-*  
*stis vix ad horas tres surgere, & Missam*  
*celebrare valeam.* Superius vidimus Mis-  
sam secundum Ordinem Romanum fuis-  
se admodum longam, & non nunquam  
omnia Officia Divina sub hoc nomine  
fuisse comprehensa. Tum S. Gregorius  
prosequitur: hac finita illico mihi repe-  
tendus est lectus ob vehementiam dolo-  
ris, qui equidem nunc remittit, nunc  
acutissime me torquet, nunquam tamen  
penitus cessat, aut tantus est, ut necet.  
Exinde post menses sed ad Amicum suum VIII. ep. 118.  
Venantium, qui relicto Instituto Mona- Sup. L. XXX  
stico uxorem duxerat, & tunc etiam do- n. 20.  
loribus podagricis vexabatur, scribens IX. ep. 25.  
dicit: *Quid in his doloribus agendum no-*  
*bis restat, nisi ut peccatorum nostrorum*  
*reminiscamur, & Gratias agamus Deo,*  
*quia affligendo purgat carnem istam, tot*  
*peccatorum causam? pœna præsens si nos*  
*emendat, eadem præcedentis culpæ finis*  
Hist. Eccles. Tom. VIII. M m erit,

Sæculum VII erit, secus vero, est pœnæ sequentis principium. Igitur summopere nobis cavendum est, ne ex uno supplicio in alia involvamur. Perpendamus Clementiam Dei,

A.C. 601.

minantis mortem, quam meremur, eoque differentis, ut Judiciorum suorum timorem salutarem incutiat. Quot Peccatores miseri criminum suorum ceno immersi usque ad mortem perseverarunt, & ne quidem levi capitis dolore admoniti, subito percussi, Inferni flammis traditi sunt? Ita S. Gregorius occasione mortis, quo tam ipse quam amicus ejus decubebat, utitur, ut eum ad Pœnitentiam excitaret. Haud multo post tempore,

IX. ep. 31.

sciens, eo usque vim morbi invaluisse, ut de ejus vita actum esset, datis ad Joannem Episcopum Syracusanum, ubi Venantius erat, litteris monet, & eum ad resumendam vestem Monasticam, saltem in ultimo vitæ articulo positum, exhortaretur, & irrevocabile Dei Judicium minitaretur. Simul etiam S. Gregorius duas Venantii filias Barbaram & Antoniam per epistolas consolabatur, & cura paterna fovebat.

IX. ep. 30.

Mense Februario ejusdem anni 601 de sua valetudine scribebat in hunc modum: *Multum jam temporis effluxit, et quo de lecto surgere non possum. Jam enim podagra me torquet, jam ignis, nescio quis, non sine magno dolore per omnes*

IX. ep. 27.

nas grassatur, ita ut animo dejiciar. *Aliarum infirmitatum mearum tantus est numerus, ut iis omnibus recensendis par non sim. Paucis dicam; humoris maligni pernicies ita in omnes artus meos penetravit, ut vitam fastidiam. Exspecto, & cupio mori, tanquam unicum malis meis remedium.* Rursus ad nobilem fœminam, *IX. ep. 38.* nomine Rusticianam, pariter podagra afflictam scribens ait: *Timeo, ne nimis doloribus succumbat delicatum corpus tuum. Scis, qualis fuerim, & tamen cordis amaritudine, continuo mœrore, & acerbis podagræ doloribus ad eam tenuitatem redactus sum, ut corpus meum sicut cadaver in sepulchro exsiccatum sit. Vix unquam levare e lecto possim. Si igitur podagra corporis mei massam consumere valuit, quæ tui jam corporis macies sit, cum jam ante vix ossibus hæseris? Hæc verba conjecturæ locum dant, S. Gregorio, dum bona valetudine fruebatur, magnum & validum corpus fuisse. Prius in hac epistola dixerat, se tunc, cum a Rusticiana missus tabellarius advenisset, adeo defecisse, ut nulla vitæ spes superesset.*

## §. XXX.

*Monita Mariniano Ravennatensi data.*

*Hæc dispicimus ex epistola ipsius S. IX. ep. 28. Gregorii sub idem tempus ad Ma-*

M m 2

rinia-

Sæculum VII

A. C. 601.